

Otra troba que fiz' el joglar para su duenna

Duenna tan plazentera, la mya sennor érmosa,
que tod'otra beldat uos fazedes mintrosa,
byen ansy como faz' el sol de toda cosa
quando naz' con el dia e los astros acosa;

maguera byen sabedes quanto sodes amada,
quiero qu'aun m'oyades dezir otra vegada
como ha uuestr'amor la mi alma penada
e como mas que uos non he cosa presciada.

Mas comoquier qu'agora parecedes sannuda
e mi fabla, dezides, de loaruos se muda,
so en muy grant lazerio, non se que uos recuda
nin contra tal engenno do buscaré ayuda.

Oh duennas tan presciadas, e quanto nos lazrades!
quanto mas uos queremos tanto nos aquexades:
quiquier mucho uos ama syn uentura dexades,
qui mient' e uos enganna, byen atal escuechades!...

Mas non sodes d'aquestas duennas, sennora mya:
omillome: mi pena fazme dezir follya,
ea muger tal que uos fallar yo non podrya
mas bella nin fermosa, synon Sancta Marya.

Por end uos pido hayades, sennora, mas dulzura
e non dedes a uuestro joglar atal tristura,
ea sabedes que antes avra'l cueruo blancura
que yo dexe d'auer en uos la mi uentura.

E comoquier qu'un dya m'oystes plazentera
e fezistes byen cierta mi sonnada chimera,
non tiredes, sennora, de mi uuestra carrera,
ea syn uos es mi alma muy trist' e muy sennera!